

даврида шартнома шартлари ўзгарган тақдирда, ўзгарган шартларга қараб суғурта мукофотига тузатиш киритилади. Бунда суғурта мукофоти бўйича ўзаро ҳисоб-китобларни амалга ошириш борасида томонларнинг мажбуриятлари давлат томонидан мажбурий суғурта қилиш шартномасига қўшимча келишув тузилган кундан бошлаб уч иш кунидан кечикмасдан бажарилиши лозим.

**2.7.** Давлат томонидан мажбурий суғурта қилиш шартномаси амал қиладиган муддат мобайнида суғурта тарифи даражасининг ўзгариши суғурта қилдирувчи томонидан тўлов вақтида амалда бўлган суғурта тарифи бўйича тўланган суғурта мукофотининг ўзгаришига олиб келмайди.

### **III. Шартноманинг кучга кириши ва амал қилиш муддати**

**3.1.** Ушбу шартнома газначилик органларида рўйхатдан ўтган вақтдан бошлаб кучга киради ва 2022 йил 31 декабрга қадар амал қилади.

**3.2.** Суғурталовчининг мажбуриятлари суғурта полисида кўрсатилган санадан бошланган вақтдан кучга киради ва мажбурий суғурта қилиш бўйича суғурта полисида кўрсатилган суғурта даврининг охириг қуни соат 24:00 да тугайди.

### **IV. Шартноманинг бошқа шартлари**

**4.1.** Давлат томонидан мажбурий суғурта қилиш шартномаси амал қилиши даврида давлат томонидан мажбурий суғурта қилиш шартномасини тузишда тақдим қилинган аризада кўрсатилган маълумотлардаги ҳар қандай ўзгаришлар ҳақида суғурта қилдирувчи суғурталовчига уч иш кунидан кечикмай ёзма шаклда хабар қилиши шарт.

**4.2.** Суғурта қилдирувчидан давлат томонидан мажбурий суғурта қилиш шартномасини тузишда тақдим этилган маълумотлардаги ўзгаришлар тўғрисида ариза олинганда суғурталовчи, зарур ҳолларда, давлат томонидан мажбурий суғурта қилиш шартномасига қўшимча келишув тузади ва суғурта полисини қайта расмийлаштиради.

### **V. Томонларнинг ҳуқуқ ва мажбуриятлари**

#### **(суғурта қилинган шахс ва наф олувчининг ҳуқуқлари)**

##### **5.1. Суғурта қилдирувчининг ҳуқуқлари:**

суғурталовчидан давлат томонидан мажбурий суғурта қилиш шартномасининг шартларини тушунтириб беришни талаб қилиш;

суғурталовчининг суғурта тўловини тўлашни рад этиш тўғрисидаги қарори устидан белгиланган тартибда шикоят қилиш;

суғурта қилинган шахсларнинг сони камайганда суғурта мукофотининг суғурталанган шахсларнинг камайган сонига ва давлат томонидан мажбурий суғурта қилиш шартномасининг тугалланмаган даврига муносабат қисмини олиш;

суғурта полиси йўқотилган тақдирда суғурталовчидан суғурта полиси дубликатини олиш ҳуқуқига эга.

Суғурта қилдирувчи қонун ҳужжатларига мувофиқ бошқа ҳуқуқларга ҳам эга бўлиши мумкин.

##### **5.2. Суғурта қилдирувчининг мажбуриятлари:**

ушбу Низомда белгиланган тартибда ва муддатларда давлат томонидан мажбурий суғурта қилиш шартномаси бўйича суғурта мукофотини тўлаши;

суғурта қилинган шахсларни давлат томонидан мажбурий суғурта қилиш шартномаси шартлари билан таништириши, шу жумладан, ушбу шартнома бўйича томонларнинг ҳуқуқ ва мажбуриятларини тушунтириши;

суғурта қилинган шахс (наф олувчи) ёзма шаклдаги ариза билан мурожаат

қилган санадан эътиборан икки иш кун мобайнида суғурталовчи ҳақидаги барча